

Dumonda Rutishauser concernent la participaziun dal chantun Grischun al project da la Confederaziun: «Sustegn finanziel per programs da promoziun chantunals per persunas che returnan en ina professiun da la tgira da lunga durada»

La mancanza da tgirunzas e tgirunzs, en spezial per la tgira da lunga durada, è eclatanta. La Federaziun grischuna da spitex e la Federaziun grischuna "chasas ed ospitals" emprovan da far frunt a questa mancanza cun ina campagna da reputaziun. Tranter auter cun in'acziun durant l'ultima sessiun d'avust han ellas fatg attent las commemoras ed ils commembers dal parlament a la situaziun da persunal difficila.

Er la Confederaziun ha chapì la situaziun ed inistradà mesiras correspundentas.

Uschia sustegna il Secretariat da stadi per furmaziun, retschertga ed innovaziun programs da promoziun chantunals per il return en la tgira diplomada, che cumenzan tranter l'onn 2018 e l'onn 2022, e quai per ina durada da 5 onns. La Confederaziun surpiglia la mesadad dals custs effectivs dals curs fin ad ina summa da 2500 francs per persuna, sch'il chantun sa participescha en la medema dimensiun.

Las sutsegnadras ed ils sutsegnaders tschentan en quest connex las suandantas dumondas:

1. Ha la Regenza l'intenziun da sa participar a quests programs?
2. Tge schanzas vesa la Regenza en quest project per gudagnar in dumber pli grond da persunas che returnan en ina professiun da la tgira da lunga durada?
3. Tge autras mesiras ha la Regenza preni en mira per promover il return da tgirunzas e tgirunzs en lur professiun?

Cuira, ils 11 da favrer 2020

Rutishauser, Holzinger-Loretz, Deplazes (Rabius), Atanes, Baselgia-Brunner, Bigliel, Brunold, Buchli-Mannhart, Cahenzli-Philipp, Caluori, Cantieni, Casutt-Derungs, Cavegn, Caviezel (Cuira), Censi, Clalüna, Crameri, Danuser, Degiacomi, Deplazes (Cuira), Engler, Flütsch (Spleia), Föhn, Gartmann-Albin, Gugelmann, Hartmann-Conrad, Hitz-Rusch, Horrer, Jenny, Jochum, Kienz, Kohler, Kuoni, Lamprecht, Loepfe, Maissen, Märchy-Caduff, Michael (Castasegna), Müller (Susch), Müller (Favugn), Natter, Noi-Togni, Perl, Preisig, Rettich, Ruckstuhl, Schmid, Stiffler, Tanner, Thomann-Frank, Tomaschett-Berther (Trun), Wellig, Widmer-Spreiter (Cuira), Wilhelm, Zanetti (Sent), Spadarotto, Stieger